

北京圖書館 編

北京圖書館藏珍本
年譜
叢刊



第 54 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 54 冊



第五十四冊目錄

蘧編卷九至卷二十		一
鶴坡公年譜		三〇三
先考通議大夫全楚大方伯年譜略		三一九
哈噠貝勒順克夷巴克什蘇三音年譜		三三七
高忠憲公年譜		三四五
高忠憲公年譜		四二三
理學張抱初先生年譜		六〇九

遠編卷之九

福清葉向高記

四十二年四月初七日具疏乞歸得

旨卿前以傷足請假朕意調理易痊奈何因此遽興歸志今國家多事目前

聖母大禮未襄幾務煩難急需贊理卿調攝已久稍可即出入閣視事以慰眷懷不允所辭吏部知道 十三日文書官冉登捧出

聖諭諭元輔朕昨覽卿所奏知卿微傷左足請假調攝已逾旬餘諒必痊愈目今典禮隆重國事

煩多正賴卿等匡濟豈可久居私寓宜即遵旨
速出入閣佐理以慰朕佇望之意毋得再有托
陳余疏謝仍懇請允放時駱御史駿曾復有疏
侵余因奏謝疏未及之仍請補大僚起廢二
十九日文書官金忠捧出

聖諭諭元輔朕前已諭卿雖微傷左足允假調攝
即出何乃又有此奏即令

聖母大典未襄兼國家多事政務繁重正賴匡襄
贊理卿為元輔豈宜久卧言去奈國事何其大
僚遺逸等事朕已悉知卿素公清直亮豈得以

浮言介懷宜遵屢諭安心即出入閣佐理以副
朕佇望至意不必再陳特諭卿知余疏謝仍求
去得

旨覽卿奏謝朕知道了卿偶疾請假朕已再次諭
留何為堅臥求去殊失朕懸望之意

山陵係慎終大禮卿可即出與朕裏亭若國家多
故尤非大臣潔身之時尚體朕懷毋得再有陳
奏該部知道 福建稅監高宥因廣東稅監物
故命其帶管窠造船置貨謀往廣東大肆漁
獵廣人洵懼余勢

上勿聽其往。宋在閩久，市民間貨物多不給價。民往索取，皆遭鞭笞。遂聚閤其門，宋射殺十餘人。又放火箭燒燬民居，民愈閤，不可解。宋迫率百餘人，張弓露刃，突入巡撫衙門。巡撫袁公救援，袁公呵叱之時，方散衙左右無一人。宋遂挾袁公與其子出，欲以為質。各營兵聞之，皆馳至。宋不得行，副使李君思誠、呂君純如、都司趙庭繼至，與俱入空署。中都司手奪其刃，乃釋袁公歸。李、呂二君送宋歸稅府。呂仍止宿。次日，以同守陳彥代之。呂乃出宋。

嚴兵自衛省城大擾謂變且不測袁公疏聞
縉紳林楚石董見龍輩皆移書告急余為

上備其^言事請撤宋回時大璫某遣人至宋處索

方物數千金方歸極為辨釋余言宋之罪惡
且不必論只內官以兵劫巡撫辱之通衢從
古以來有此事否此而不問則國家紀綱法
度盡不得行大亂必作若輩之罪且通于天
祖宗列聖必不汝宥璫語塞而

上意尚猶豫余復極言其利害如所以告璫者見
龍遺余書當且取

通鑑 卷九
旨令宋釋陳同知然後再請撤宋余謂宋撤則陳
同知自出若先釋同知則

上以為如此可以了事而宋無撤回之日矣此事
某請任之決不使宋得留以為閩禍也時

上以余言激切且心知宋勢不可留竟召宋歸而
令巡撫用心撫安地方

旨下甚溫自稅使發難凡地方官與之構爭者輕
則譴責重則逮繫無一不受其禍而獨此番
撤宋無一語責地方官閩中安然去此大害
真

聖明也。方余屢請撤寀。疏中有寀自為救死計。語見龍咎余為寀地。不知此輩窮急無聊。而內中為之羽翼者。實繁有徒。若不稍開以生路。彼內外協力。勢將潰決。竇武陳蕃。若不欲悉誅宦官。豈有東漢之禍。正德間。劉瑾等八大璫為大臣所攻。業自求安置南京。而閣中持之不已。遂至決裂。貽禍。

宗社良可鑒耳。要寀之劫。巡撫亦實為救死計。使袁公稍以好言慰之。而令人諭散市民。亦不至此。然非至此。

上亦未必召宋回其後袁公竟不安其位而去是
袁公以一官為閭中造莫大之福亦未為失
也 御馬監太監李成奏所屬衛所官侵欺
公用銀兩

上傳擬旨下法司追究余揭言李成混言侵欺而
不言侵欺何項但云蘇應詒等而不開列的
名且無侵欺實數未可遽信宜下戶部查勘
上從之 御史過廷訓言余欲借四明以禍浙人
蓋當四明在事時以楚藩妖書二事與郭宗
伯正域相左宗伯幾至殺身滅族四明以此

不為公論所與而浙中頗有附麗之者

以故譚者輒

曰浙人浙人余常非之曰浙大藩也名賢輩
出豈可為此言庚戌外察多浙人余向太宰
力爭之而浙人不知疑余以宗伯之故有憾
于四明故有此說余疏辨得

旨卿輔政有年公平正大毫無偏黨坦衷直道朕
所鑒知言官未悉卿生平妄相猜疑何足深辨
卿宜安心即出贊理定國是濟時艱毋得再有
托陳該部知道 六月初十日

聖母梓宮發引時值大雨泥淖盈尺百官送者皆散余獨與二三大僚步行至上城關時已二鼓因揭請加添人夫得

旨朕昨攀送

聖母梓宮自午門一帶至承天門外禮畢回哀思梓宮難行驚慌憂懼覽卿等執紼步送

聖母靈輿勞苦可嘉所奏添撥人夫前赴幫助協濟應用尤見敬慎至意該部知道 前此余有條陳時政疏至是得

旨覽卿所奏直陳時政切要具見愛君憂國之忱

補大僚諸事稍俟檢發起廢亦當詳覽施行高
宗事知道了卿雖調攝在寓常以國事為心何
乃堅卧求去屢諭不起矧今

聖母梓宮發引期迫卿宜遵旨即出襄典禮以慰
朕懷慎勿再辭該部知道又奉

命恭題

聖母神主余揭謝時高宗尚未撤而人言復及李
朴事因附及之得

旨覽卿奏知卿恭詣

山陵題主具見忠敬高宗朕即有處分可候旨行

李朴妄言原與卿無干何必置辨卿宜安心事
完即入閣佐理以慰朕懷該部知道 次日詣
山陵具揭題知得

旨覽奏知卿趨赴

山陵恭候題主具見致身為國赤誠忠慎朕心嘉
悅目今典禮頻仍中外多事全賴老成匡濟拯
扶時艱供事畢卿宜遵屢旨即入閣輔理以慰
朕佇望至意勿得再有托陳該部知道 題主
畢復

命得

旨覽奏知卿恭詣山陵題主禮畢

聖母大事全賴卿竭誠盡敬終始贊襄恭慎忠勤
朕心嘉悅不已卿前恙已愈時事方殷閣務繁
多需卿料理甚急望旦夕即出以慰朕懷慎勿
再陳該部知道故事

母后題主率用次輔

上欲重其事故特遣余時余方求去

上恐其辭比余奉命供事

上喜甚故屢旨甚溫余因

山陵禮成具奏感觸

聖孝乞歸展墓得

旨朕以

山陵禮畢望卿即出贊襄何為復有此奏卿乞歸
展墓具見孝思朕非不體念但大臣當以國事
為重義不得復顧其私況今煩議漸消羣情稍
輯正賴卿從容調燮濟世和平何故堅持去志
立候入閣慰朕眷倚之懷吏部知道 又奏愚
臣求去情迫萬難停留懇

恩亟放得

旨朕以卿獨任有年忠勞可念故特允所請增置